

նիցս անգամ զերծաւ նա 'ի ձեռաց Խաչակրաց, զի հաւատարիմք և մերձաւորք նորին ոգի 'ի բռին գուն գործեալ ազատեցին զնա 'ի գերութիւն անկանելոյ: Զմտաւ ածեալ Սալահատտինի զյեղակարծուստ յարձակումն թըշնամեաց և պաշարիլն իւր իբրեւ 'ի ծուղակի, ցիր և ցան փախուստ և ցրուումն այնքան զօրաց, կորուստ և յափըշտակութիւն կահուց և կապմածոց մեծի բանակին, զկորակոր պարտութիւնն իւր առաջի թշնամեաց, եւ զյաղթանակ քրիստոնէից, պաշարեցաւ 'ի սուգ մեծ և անհնարին, և նստեալ յուղա արագընթաց (հէճին) տխրաթախիծ ոգւով՝ տարեալ քաղցու և ծարաւոյ, մինչ քաղել ոգւոց նորա, հատեալ էանց զաւազուտ անապատն Թիէ, եւ զինի 8 աւուրց եհաս 'ի քաղաքն Պլպէս: Մեծ էր վտանգն յոր պաշարեցաւ Սալահատտին. զի որ զմեծամեծ գործս իւր իբրեւ զխաղս համարէր, զարմանայր 'ի վերայ անակնկալ ազատութեան իւրոյ, որպէս յիշէ 'ի նամակին զոր գրեաց առ Թուրան Շահ եղբայր իւր. « Քանիցս անգամ մատնեցաք 'ի կորուստ, այլ Աստուած չնորհեաց մեզ զկեանս, և այս եւս 'ի կատարումն կարեւոր գործոյ իմիք »: Զայսմ պատերազմէ գրէ նաեւ վարդան Պատմիչ. « Թագաւորն Երուսաղէմի 300 ձիաւորով եհար զՍալահատտին 'ի դրան Երուսաղէմի՝ գորութեամբ Ս. Խաչին, որ եկեալ էր առնուլ զԵրուսաղէմ հարիւր քառասուն հազարաւ. բարձեալ ընդ ինքեան ջուր 60,000 ուղտիւք, որ միշտ կրէին 'ի գետոց և յաղբերաց »: Յերեւ 171: Տեւ նաեւ 'ի Գէր. Միխայելէ Ասորայ. Երեւ 483: (1178):

Թէպէտ եւ սուգ մեծ ունէր Սալահատտին 'ի վերայ պարտութեան իւրոյ, այլ չվհատեցաւ իսպառ. զի չեւ եւս բոլորեալ էր չրջան տարւոյն, վերստին գումարեաց զզօրս իւր՝ գնալ յօգնութիւն Իսլամացն Ասորեաց, և այնպիսի արագութեամբ էանց ընդ երկիրն քրիստոնէից, որք ոչ միայն խափանել կարացին զչու նորա, այլ չժամանեցին լսել եւս. եհաս երազութեամբ 'ի ստորոտս Լիբանան լեռանց, եւ հապ ձէպ տուեալ անտի զօրաց իւրոց՝ եգիտ զինքն 'ի Սիդոն (Սայտայ). եւ անկեալ 'ի վերայ բանակի թագաւորին Երուսաղէմի՝ կոտորեաց զբազումս, և զայլս ցիր եւ ցան արար փախստական. փոքու իմն անկանէր